

Alternativ B

Forskrift om vern av Surna naturreservat, Surnadal kommune, Møre og Romsdal fylke

Fastsett ved kgl.res. av 27. mai 1988. Fremja av Miljøverndepartementet. Endra 28. oktober 1988 nr. 1191 og xx.xx.202X.

I

I medhald av lov om naturvern av 19. juni 1970 nr. 63, § 8, jf § 10 og § 21, § 22 og § 23 er fire våtmarksområde ved utløpet av Surna i Surnadal kommune, Møre og Romsdal fylke, freda som naturreservat ved kgl.res. av 27. mai 1988 under nemninga Surna naturreservat.

I medhald av same lov § 14, jf. §§ 21 og 23 er det oppretta eit tilgrensande område med dyrelivsfreding.

II

Reservatet omfattar følgjande område:

1. Purka

Dette området omfattar følgjande gnr/bnr:

51/1, 2, 31; 68/24, 53, 54.

Delområdet dekkjer eit areal på ca. 578 dekar.

2. Sæterøya

Dette området omfattar følgjande gnr/bnr:

48/1, 49/1, 3, 4, 6, 7, 13; 50/1, 3, 6, 7; 62/6; 63/2; 64/1, 2; 68/1, 2, 3, 4, 6, 13, 23, 37, 49, 86, 97, 209.

Delområdet dekkjer eit areal på ca. 213 dekar.

3. Grimsmo

Dette området omfattar følgjande gnr/bnr:

36/1, 33, 40, 80, 205; 48/2.

Delområdet dekkjer eit areal på ca. 82 dekar.

4. Ranesevja

Dette området omfattar følgjande gnr/bnr:

33/2, 3, 5, 6, 28; 35/1.

Delområdet dekkjer eit areal på ca. 53 dekar.

Naturreservatet er totalt på 946 dekar. I tilknytning til naturreservatet er det oppretta eit område på 1.385 daa med dyrelivsfreding.

Grensene for reservatet går fram av kart datert Klima- og miljødepartementet xx.xx.2022. Dei nøyaktige grensene for naturreservatet skal avmerkast i marka. Knekkpunkta skal koordinatfestast.

Karta og fredingsføresegnene blir oppbevarte i Surnadal kommune, hos Statsforvaltaren i Møre og Romsdal, i Miljødirektoratet og i Klima- og miljødepartementet.

III

Føremålet med fredinga er å ta vare på eit viktig våtmarksområde med tilhøyrande plantesamfunn, fugleliv og anna dyreliv. Det er ei målsetting å behalde verneverdiane i mest mogleg urørt tilstand, og eventuelt vidareutvikle dei.

IV

For reservatet gjeld følgjande føresegnar, jf likevel punkta V – VI:

1. All vegetasjon i vatn og på land er freda mot all form for skade og øydelegging.

Nye planteartar må ikkje innførast.

2. Ved alle aktivitetar skal unødig skade og liding på viltlevende dyr og reira, bua eller hia deira, unngåast. Likeeins skal unødig jaging av viltlevende dyr unngåast; jf. § 15 i naturmangfoldlova. Jakt, fangst og bruk av skytevåpen er forbode.

Hundar må ikkje sleppast lause i reservatet.

Utsetjing av vilt er ikkje tillate.

3. Det må ikkje iverksetjast tiltak som kan endre dei naturgjevne tilhøva, under dette oppføring av bygningar, anlegg og faste innretningar, plassering av campingvogner, framføring av nye luftleidningar, jordkablar og kloakkleidningar, bygging av vegar, drenering og anna form for tørrlegging, uttak, oppfylling, planering og lagring av masse, ny utføring av kloakk eller andre konsentrerte forureiningstilførslar, dumping av avfall, gjødsling og bruk av kjemiske plantevernemiddel.

Opplistinga er ikkje fullstendig.

4. Motorisert ferdsel til lands. Bruk av modellbåtar, modellfly og droner er forbode.

Camping, teltslaging og oppsetjing av kamuflasjeinnretningar for fotografering er forbode.

5. For området med dyrelivsfredning gjeld følgjande forskrift, jf. V, 10 og VI, 1:

Alle fugle- og pattedyrartar, også fuglereir, egg og ungar, er freda mot jakt og fangst, skade og øydelegging av alle slag.

V

Føresegnene i punkt IV er ikkje til hinder for:

1. Gjennomføring av militær, operativ verksemd og tiltak med sikrings-, ambulanse-, politi-, brannvern-, oppsyns-, skjøtsels- og forvaltingsføremål.
2. Slått, beiting og anna etablert jordbruksdrift i eller inntil det freda området.
3. Vedlikehald av grøfteutløp som er tekne tidlegare og som drenerer tilgrensande jord- og skogbruksareal, etter at forvaltingsstyresmakta er varsla.
4. Vedlikehald av eksisterande vegar og kraftliner.
5. Sanking av bær og matsopp.
6. Fiske etter det lovverket og dei forskriftene som gjeld til ei kvar tid.
7. Bruk av motorbåt.
8. Motorferdsel til lands i næringsføremål.
9. Jakt på villmink og hjortedyr og dertil bruk av hund i samband med jakt, i samsvar med viltlova med forskrifter.
10. Vedlikehald av eksisterande teleliner/kablar.

VI

Forvaltingsstyresmakta kan gje løyve til:

1. Kontrollert felling av vilt når dette blir sett på som naudsynt for å hindre bestandsmessige mistilhøve mellom ulike artar eller i tilhøvet art/miljø på grunn av menneskeskapte faktorar.
2. Etablering av nye grøfteutløp for drenering av tilgrensande areal.
3. Fjerning av vegetasjon som er vertsplantar for skadeorganismar i jordbruket, fjerning av giftplantar.
4. Kontrollert tynning/høgdereduksjon av skog og kratt som er til ulempe for jordbruket.
5. Bygging av pumpehus, legging av leidningar for vassanlegg, oppføring av gjerde m.m.

VII

Forvaltingsstyresmakta eller den forvaltingsstyresmakta fastset, kan gjennomføre skjøtselstiltak i samsvar med fredingsføremålet. Det kan utarbeidast skjøtselsplan, som skal innehalde nærare retningsliner for gjennomføring av skjøtselstiltaka.

VIII

Forvaltingsstyresmakta kan gjere unnatak frå fredingsføresegnene når føremålet med fredinga krev det, samt for vitskaplege undersøkingar og arbeid av vesentleg, samfunnsmessig verdi, og i spesielle tilfelle dersom det ikkje strir mot føremålet med fredinga.

IX

Forvaltninga av fredingsføresegnene er lagt til Statsforvaltaren i Møre og Romsdal.

X

Desse fredingsføresegnene trer i kraft straks.